

## **BOSHLANG'ICH SINFLARDA MATEMATIKA O'QITISH METODINING O'ZIGA XOS XUSUSIYATLARI**

**Avezova Dilora Raximovna**

**Xudoyberdiyeva Moxina Haydarkulovna**

**Xodjayevna Navbahor Nomozboyevna**

Navoiy viloyati Navbahor tumani

5- umumiy o'rta ta'lif maktabi

Boshlang'ich sinf o'qituvchilari

**Annotatsiya:** Mazkur maqolada boshlang'ich sinf matematika fanini o'qitish metodining o'ziga xos xususiyatlari, asosiy interaktiv metodlarni yoritib berishga harakat qilindi. Bundan tashqari maqola yoshlar ta'lifimida innovatsion uslublarni ishlab chiqish va joriy etishning ilmiy nazariy asoslari va ularni takomillashuvi tahliliga bag'ishlangan.

**Kalit so'zlar:** Matematika, natural son, metod, taqqoslash, mantiqiy, boshlang'ich sinf, logika.

Arifmetik material kursning asosiy mazmunini tashkil etadi. Boshlang'ich kursning asosiy o'zagi natural sonlar va asosiy miqdorlar arifmetikasidan iborat. Bundan tashqari, bu kursda geometriya va algebraning asosiy tushunchalari birlashadi.

Boshlang'ich sinf matematika kursi muktab matematika kursining organik qismi bo'lib hisoblanadi. V-XI sinflarda o'qitiladigan matematikaning eng asosiy va o'quvchilar yoshiga mos bo'lgan elementar tushunchalari beriladi.

Yuqori sinflarda shu tushunchalar kengaytirilgan, chuqurlashtirilgan va boyitilgan holda o'qitiladi. Demak, boshlang'ich sinf matematikasining mazmuni yuqori sinf matematikasining mazmunini ham belgilab beradi. Boshlang'ich matematikaning tuzilishi o'ziga xos xususiyatlarga ega.

1. Boshlang'ich matematika o'qitish metodlarining turlari.

Didaktikaga doir qo'llanmalarda bilimlarni bayon qilish va mustahkamlashning formalari sifatida quyidagi o'qitish metodlari qaraladi: kuzatish, o'qituvchining bilimlarni (bayon, suhbat, hikoya, mashq) o'quvchilar bilan darslik va boshqa kitoblar bilan ishlash, kuzatish, laboratoriya ishi, mustaqil ishlar.

Boshlang'ich sinflarda matematika o'qitish jarayonida o'qitish materialining mazmuni va o'quv sinfining katta-kichikligiga qarab bu metodlardan turli o'rnlarda foydalanish mumkin.

## 2. Matematika o'qitishda kuzatish.

O'quvchilar bilan matematik faktlarni kuzatish muhim ahamiyatga ega. Natural sonlarning xossalari, arifmetik amallarning xossalari, geometrik figuralarning xossalari va hokazolarni kuzatish o'quvchilarning fikrlash qobiliyatini o'stiradi. Arifmetik amallar va sonlarning ko'pgina xossalari quyi sinflarda kuzatish bilan tushuntirilishi maqsadga muvofikdir.

Masalan, 1-sinf o'quvchilari qo'shishining o'rinni almashtirish xossasini kuzatish orqali tez bilib oladi.

$$5+3= , 3+5= , 6+1= , 1+6= , 2+7= , 7+2$$

Shunday misollarni 1-sinf o'quvchilari yechgandan keyin bir qatorning yechimlarini tenglashtirishni o'qituvchi tavsiya etadi.

5+3=8 va 3+5=8. Natijada quyidagi xulosani keltirib chiqaradi.

Xulosa (misollar nima bilan o'xshash).

Bir xilda qo'shish amali bajariladi.

5 va 3 bir xil qo'shiluvchilar. 8 va 8 bir xildagi natijalar. farqi ( nima bilan farqlanadi) qo'shiluvchilarning qo'shish tartibi farq qiladi.

Shunga o'xshash boshqa misollarni ham yechib o'quvchilar quyidagi umumiy xulosaga keladilar:

- qo'shiluvchilarning qo'shish tartibini o'zgartirgan bilan yig'indi o'zgarmaydi.

- qaralgan holda kuzatish metodini qo'llash, shuningdek, o'qituvchi tomonidan bilimlarni bayon qilishda ham, hisoblashga doir masalalar yechishga doir bosqichlarda ham katta ahamiyatga egadir.

## 3. Suhbat metodi.

O'qituvchi biror metodni, masalan, suhbat metodini qo'llaganda o'quvchilarning bilish faoliyatini har tomonlama o'stirish mumkin. Masalan: 100 ichida raqamlashni o'qitishda o'quvchilarga qanday sonlar bir xonali va qanday sonlar ikki xonali ekanligini, undan keyin ikkita raqam bilan ifodalangan sonlarni ikki xonali sonlar deyilishini aytib o'tish lozim. Shuningdek, suhbat jarayonida nechta raqam bilan nol ifodalanilishini va 1 dan 9 gacha nechta son, 10 dan 99 gacha nechta son borligini bayon qilish kerak.

## 4. Bayon qilish metodi.

Bayon qilish metodi ikki turga bo'linadi:

a) ko'rgazmali bayon qilish.

Bunda o'qituvchi bilimlarni bayon qilish bilan birga uning haqiqiyligini misollar orqali namoyish qiladi.

b) muammoli bayon qilish.

Bunda o'qituvchi materialning muammosini qo'yadi, uni yechish yo'llarini ko'rsatadi, asoslaydi va isbotlaydi.

Masalan: agar ko'payuvchi va ko'paytuvchining o'rni almashtirilib ko'paytirilsa, ko'paytma qanday o'zgaradi? O'qituvchi bu savolni tushuntirishda ilyustrasion ko'rgazmalardan foydalaniladi:

$$3 \times 4 = 12 \text{ ya'ni } 3+3+3+3=12$$

$$\text{yoki } 4 \times 3 = 12 \text{ ya'ni } 4+4+4=12.$$

Demak, ko'paytma va ko'paytuvchilarning o'rnnini almashtirgan bilan ko'paytma o'zgarmaydi degan xulosani o'quvchilar ilyustrasion yordamida keltirib chiqaradilar. Har qatorda 3 tadan tugmani 4 qator olinadi.

#### 5. Mashq metodi.

Matematika o'qitishning o'ziga xos xususiyati shuki, yangi material bilan tanishish hamda tegishli bilim o'quv va malakalarni hosil qilish o'quvchilar tomonidan mashqlar tizimini, ya'ni, ma'lum matematik topshiriqlarni bajarish orqali amalga oshiriladi. Mashqlar material mazmuniga va matematik strukturasiga qarab turlicha bo'lishi mumkin: ifodalarning qiymatini topish, taqsimlash, tenglamalarni yechish, masalalar yechish va h.k.

Mashqlar har xil bo'lishi mumkin: darslikdan olingen va uni o'qituvchi yozdirishi mumkin, odatdagи yoki qiziqarli ko'rinishda, didatik o'yin shaklida va h.k.

Darsda ayniqa tayyorgarlik mashqlari muhim ahamiyatga ega. Bu mashqlar shunday xaraktyerde bo'ladi, uning mazmunida oldingi o'quv materialini takrorlash, mustahkamlash va yangi materialni o'rganishga poydevor tayyorlash mumkin bo'ladi.

$$\text{Masalan, o'qituvchi oldin } 8 \times 6 = 48, \quad 7 \times 9 = 63, \quad 6 \times 4 = 24$$

$$48 : 8 = \quad 63 : 9 = \quad 24 : 6 =$$

kabi mashqlarni yechirgandan keyingina  $x^3 = 21$  ko'rinishdagi tenglamani yechishga o'tadi.

Yangi material bilan tanishish asosan o'quvchilar bajaradigan mashqlar tizimi orqali amalga oshiriladi. Mashqlarni o'rinli bajarishning eng asosiy yo'lli ko'rgazmali qilib bajarishdir. Shuning uchun matematik tushunchalar va qonuniyatlar bilan tanishtirishda to'plamlar ustida amallardan va tegishli arifmetik amallarning yozilishidan foydalaniladi.

Masalan,  $4+3$ , o'quvchi 4 ta qizil doiracha va 3 ta qizil doiracha olib ularni birlashtirib 7 ta doiracha hosil qildi.  $4+3=7$  deb yozdi, keyin doirachalarni ranglar bo'yicha ajratib  $7-4=3$  yoki  $7-3=4$  ni hosil qildi: agar yig'indidan qo'shiluvchilardan birini ayrsa ikkinchi qo'shiluvchi hosil bo'ladi.

#### 6. Taqqoslash va qarama-qarshi qo'yish.

Matematika o'qitishda bir-biriga o'xshash masalalar juda ko'p. Masalan, qo'shishning o'rinni almashtirish va ko'paytirishning o'rinni almashtirish xossalari  $4+3 = 3+4$ ,  $3 \times 4 = 4 \times 3$  o'quvchilar bu xossalarni bir-biri bilan taqqoslaydilar, farq qiluvchi va o'xshash tomonlarini ajratib oladilar.

Yangi materialni tushuntirish uchun ham mashqlarni shunday tanlash kerakki, ular oldingi darsda yechilgan mashqlar bilan bir xillik va farq qiluvchi elementlarni ajratib olsin. Matematika o'qitishda qarama-qarshi masalalar ham masalan, qo'shish va ayirish uchraydi. Bu ikki miqdorni to'g'ri qo'llash bilimlarni umumlashtirishga, to'g'ri xulosa chiqarishga olib keladi.

### 7. Dasturlashtirilgan o'qitish.

O'quv materialining uncha katta bo'limgan, mantiqan o'zaro bog'langan qismlarini o'z ichiga olgan va maxsus ishlangan topshiriqlar bo'yicha materialni o'rganish dasturlashtirilgan o'qitish deyiladi. Har bir qismning bajarilishi o'qituvchi yoki maxsus asbob nazorat qilib turadi. Nazoratning natijasi o'quvchiga aytildi. To'g'ri bo'lsa baholanadi, noto'g'ri bo'lsa uni tuzatish to'g'risida ko'rsatma beradi.

Boshlang'ich sinflarda matematika o'qitish jarayonida o'qituvchilarni boshlang'ich sinf matematika darslarida o'quvchilarining arifmetik amallar bajarishni o'rganishini tashkil etish didaktik prinsiplarini o'rganish va ularga individual yondashish darajasi bo'yicha bilish topshiriqlarini ularni hal etish jarayonida cheklash shart-sharoitlarini belgilashdan iborat bo'ladi.

Boshlang'ich sinf matematika darslarida o'quvchilarining arifmetik amallar bajarishni o'rganishini tashkil etish didaktik prinsiplarini shakllantirish maqsad va masalalariga muvofiqligining ilmiy asoslangan tahlili berilgan. Boshlang'ich sinf matematika darslarida o'quvchilarining arifmetik amallar bajarishni o'rganishini tashkil etish didaktik prinsiplarini shakllantirishga turli darajada qulaylik yaratadi. Bu holat ularni shakllantirish ta'siri darajasi bo'yicha guruhlarga masalalarini cheklash zaruriyatini qo'yadi.

Olib borilgan ilmiy izlanishimiz boshlang'ich sinflarda matematika o'qitish jarayonida matematika darslarida o'quvchilarining arifmetik amallar bajarishni o'rganishini tashkil etish, didaktik prinsiplarini o'rganish va ularga individual yondashish usullarini ishlab chiqish imkonini berdi.

### **FOYDALANILGAN ADABIYOTLAR:**

1. Axmedov.M Abduraxmonova.N. Jumaev.M.E. Birinchi sinf matematika darsligi. Toshkent.—Sharq 2005 yil

2. Jumayev.M.E, Tadjiyeva.Z.G. Boshlangich sinflarda matematika o'qitish metodikasi. (O OY uchun darslik.) Toshkent. —Fan va texnologiyai 2005 yil.
3. Jumaev M.E. va boshq. Birinchi sinf matematika daftari. Toshkent. —Sharq 2005 yil.
4. Haydarov.M., Hasanboeva.O. Pedagogik amaliyotni tashkil etish metodikasi. Toshkent. TDPU, 2003 yil.
5. Jumaev.M.E, Bolalarda matematik tushunchalarni rivojlantirish nazariyasi va metodikasi (KHK uchun ) Toshkent. —Ilm Ziyo 2005 yil.
6. [www.ziyonet.uz](http://www.ziyonet.uz)
7. [www.pedagog.uz](http://www.pedagog.uz)